

IV. Expedientes de reclamacións que se formulen ante a Administración, en concepto de indemnización de danos e perdas por responsabilidade patrimonial.

V. Expedientes nos expedientes de gasto derivados de expropiacións forzosas.

VI. Expedientes de contratos de obras, agás os que se adxudiquen no marco dun sistema de racionalización técnica da contratación.

VII. Expedientes de contratos de subministración, agás os que se adxudiquen no marco dun sistema de racionalización técnica da contratación.

VIII. Expedientes de contratos de servizos agás os adxudicados no marco dun sistema de racionalización técnica da contratación e os servizos a que se refire o número 15 do punto cuarto deste acordo.

IX. Contratos tramitados a través de acordos marco e sistemas dinámicos de contratación.

X. Expedientes de contratos de xestión de servizos públicos.

XI. Expedientes de contratos de concesión de obra pública.

XII. Expedientes relativos a contratos de colaboración entre o sector público e o sector privado.

XIII. Expedientes relativos a contratos comprendidos na categoría 6 do anexo II da Lei de contratos do sector público e os que teñan por obxecto a creación artística e literaria e os espectáculos comprendidos na categoría 26 do mesmo anexo.

XIV. Expedientes de execución de traballos pola propia Administración.

XV. Expedientes de contratos patrimoniais.

XVI. Expedientes de contratos menores.

XVII. Expedientes de subvencións.

XVIII. Expedientes de axudas de acción social.

XIX. Expedientes de transferencias de financiamento.

XX. Expedientes de convenios de colaboración.

XXI. Expedientes de recoñecemento de prestacións sociais.

XXII. Expedientes de recursos administrativos en materia de subvencións e prestacións sociais.

XXIII. Expedientes de gasto derivados da execución de sentencias.

XXIV. Pagamentos para xustificar.

Noveno.-Normas que derroga. Décimo.-Entrada en vigor. Anexo.-Informes preceptivos.

Santiago de Compostela, 4 de xaneiro de 2010.

Marta Fenández Currás  
Conselleira de Facenda

### III. OUTRAS DISPOSICIÓNS

#### CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

*Orde do 17 de decembro de 2009 pola que se declara de utilidade pública a Asociación de Familiares de Enfermos de Alzheimer e outras Demencias de Ourense.*

Por iniciativa das correspondentes asociacións, poderán ser declaradas de utilidade pública aquelas que reúnan os requisitos establecidos no artigo 32 da Lei orgánica 1/2002, do 22 de marzo, reguladora do dereito de asociacións.

O expediente foi instruído de conformidade co previsto no Real decreto 1740/2003, do 19 de decembro, sobre procedementos relativos a asociacións de utilidade pública, e neste consta a documentación e os informes previstos na citada norma.

O Decreto 157/2008, do 10 de xullo, sobre asunción de funcións da Administración do Estado traspasadas á Comunidade Autónoma de Galicia, mediante o Real decreto 1080/2008, do 30 de xuño, en materia de declaración de utilidade pública de asociacións, asigna estas funcións á Consellería de Presidencia, Administracións Públicas e Xustiza, establecendo que será competente para resolver o procedemento de declaración de utilidade pública a persoa titular da Consellería de Presidencia, Administracións Públicas e Xustiza, logo da instrución do procedemento polo órgano correspondente.

De conformidade co informe favorable de declaración de utilidade pública, emitido polo instrutor do expediente,

#### RESOLVO:

Declarar de utilidade pública a seguinte asociación inscrita no Rexistro provincial de asociacións de Ourense:

| <u>Denominación</u>  | <u>Nº de rexistro</u> |
|--|-----------------------|
| <i>Asociación de Familiares de Enfermos de Alzheimer e outras Demencias de Ourense</i> | 1995/1540-1ª          |

Contra esta orde, que pon fin á vía administrativa, pode interpoñerse recurso contencioso-administrativo ante a sala correspondente do Tribunal Superior de Xustiza de Galicia, no prazo de dous meses, de conformidade co disposto na Lei 29/1998, do 13 de xullo, reguladora da xurisdición contencioso-administrativa, podendo interpoñer, con carácter potestativo, recurso de reposición ante o mesmo órgano que ditou o acto, no prazo dun mes, segundo o disposto na Lei 30/1992, do 26 de novembro, de réxime xurídico das administracións públicas e do procedemento administrativo común.

Santiago de Compostela, 17 de decembro de 2009.

Alfonso Rueda Valenzuela  
Conselleiro de Presidencia, Administracións  
Públicas e Xustiza